



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A -379/25
Sarajevo, 20.10.2025. godine

Na osnovu člana 5. stav 1. Zakona o Tužilaštvu Bosne i Hercegovine ("Službeni glasnik Bosne i Hercegovine", broj: 24/04, 3/03, 37/03, 42/03, 9/04, 35/04, 61/04, 49/09, 97/09), i člana 8. Pravilnika o unutrašnjoj organizaciji Tužilaštva BiH-službena prečišćena verzija („Službeni glasnik BiH“ broj: 74/22), a u vezi sa tačkom 3.3 alineja a. Smjernica za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini od februara 2015.godine, glavni tužilac donosi

O D L U K U

**o imenovanju savjetnika za prevenciju seksualnog i rodno zasnovanog uznemiravanja u
Tužilaštvu/Tužiteljstvu BiH**

I

Stručni savjetnik za poslove pisarne-rukovodilac odsjeka pisarne Tužilaštva **Siniša Pantić** i Registrar-rukovodilac Ureda (odjela) **Vedrana Hadžihamzić**, imenuju se za savjetnike za prevenciju seksualnog i rodno zasnovanog uznemiravanja u Tužilaštvu/Tužiteljstvu Bosne i Hercegovine (u daljem tekstu:savjetnici).

U periodu odsutnosti Vedrane Hadžihamzić, poslove određene ovom Odlukom će obavljati stručni saradnik-pravnik-Valida Dragičević.

II

Savjetnici se imenuju na period od 4 (četiri) godine.

III

Poslovi koje će savjetnici obavljati određeni su Smjernicama za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini (u daljem tekstu :Smjernice) i sastoje se od provođenja inetrne procedure za preventivno djelovanje:

- Zaprima zahtjev za pomoć od osobe koje je izložena neželjenom ponašanju
- Informiše osobu izloženu neželjenom ponašanju o njenim pravima
- Obavještava osobu koja ispoljava neželjeno ponašanje o pokretanju interne procedure i poduzima dalje korake prema osobi koja ispoljava neželjeno ponašanje u skladu sa uputstvima iz Smjernica

- Dostavlja povratnu informaciju o poduzetim radnjama osobi koja je izložena neželjenom ponašanju i obavještava je o sadržaju obrazloženja/izjašnjenja osobe koja ispoljava neželjeno ponašanje u skladu sa Smjernicama
- Vodi povjerljivu službenu evidenciju o poduzetim radnjama u vezi primjene interne procedure i sačinjava povjerljiv izvještaj u vezi sa provedenom procedurom
- Redovno izvještava glavnog tužioca o poduzetim radnjama povodom interne procedure
- Preduzima preventivne radnje posrednog karaktera u skladu sa Smjernicama
- Priprema godišnji izvještaj koji sadrži pregled stanja u vezi sa prevencijom seksualnog i rodno zasnovanog uznemiravanja u tužilaštvu
- Prolazi specijalizovani trening, s ciljem jačanja vlastitih kapaciteta u obavljanju navedenih poslova
- Obavlja i druge poslove koje mu povjeri glavni tužilac u vezi sa prevencijom seksualnog i rodno zasnovanog uznemiravanja

IV

Savjetnici su dužni proći specijalizovani trening o prevenciji seksualnog i rodno zasnovanog uznemiravanja, s ciljem jačanja vlastitih kapaciteta u obavljanju traženih poslova.

V

Ova odluka stupa na snagu danom donošenja.

Obrazloženje

Obzirom da su savjetnici za prevenciju seksualnog i rodno zasnovanog uznemiravanja u Tužilaštvu/Tužiteljstvu BiH imenovani Odlukom glavnog tužioca broj A-250/18 od 10.11.2022.godine, započeli sa radom u drugim pravosudnim institucijama te da ističe period na koji su imenovani, to je bilo neophodno donijeti novu odluku i imenovati druge zaposlenike koji će obavljati poslove određene Smjernicama za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini.



Dostaviti:

- imenovanim;
- oglasna ploča tužilaštva
- svim zaposlenim putem e-maila;
- web stranica tužilaštva
- a/a